

蘭雪堂古事苑定本

蘭雪堂古事苑定本卷之四

饒安

鄧志謨精羅二編輯

戴珉潔澄

西泠

戴聰瀾石參定

戴琰師曾

英賢

丹丘焚日名世生期。綵雲聚時。賢人隱處。齊四臣。照千里。黔夫種首輩。炳耀霸功。唐諸士。復二京。子儀李晟等。頡頏將略。文王美佐。爲疏附。爲先後。爲奔走。爲禦侮。造

周家有道之長戰國豪君曰信陵曰平原曰春申曰孟嘗。逞季世爭雄之力。呂端爲台輔。器天子股肱。東之真宰相。才臣工冠冕。耿將軍英風灑灑。爲天邊附鳳之人。李學士豪氣翩翩。作海上釣鰲之客。氣雄千古。終生請弱冠之纓。志益羣公。司馬題壯年之柱。文舉博聞強記。見敬於陳登。寇恂禦衆牧民。受知於光武。陳自然寸心耿耿。謝安石人才。槩槩毛遂。爲處囊之錐。必然脫穎。趙壹是斬鯨之劍。更已發硎。裴琰之英敏無朋。乃霹靂手。顧君孝丰儀迥別。真驥虜蹄。五嶽爲詞峰。四溟作胸臆。

皮公賦英雄豪舉之詩稷契光虞夏伊呂翼商周王儉
詠宰相風流之句員半千必乾坤啓運乃產此人張萬
福雖草木知名更稱異品虞世南擅五絕文林技藝諒
無雙馮士式中三元翰苑詞章推第一九齡金鑑天子
著龜李勣長城生民保障何子朗固人中爽爽劉盆子
乃鐵裏錚錚相業恢弘婦孺識司馬名姓治功炳燭邊
塞問富公起居郭泰起多士之景從馬周來四輩之督
趣爲人必學唐王翰乃有比鄰生子當如孫仲謀差堪
齒吻

史記魏惠王曰寡人有徑寸之珠。照車前後各十二乘者十枚。齊王曰吾有四臣。將照千里。豈特十二乘哉。

四臣謂黔夫種首盼子槐子也

唐書祿山反。子儀諸人恢復之。

子儀封汾陽王。後乃以傘騎退敵。朱泚反。李晟等擊之作露布。上行在口。臣已肅清宮禁。祇謁寢園。鍾簋不移。廟貌如故。上泣下曰。天生李晟。非爲朕也。大雅文王詩云。虞芮質厥成。文王蹶厥生。予曰有疏附。予曰有先後。予曰有奔走。予曰有禦侮。史稱戰國四君者。楚春申君名歇。趙平原君名勝。魏信陵君名

無忌齊孟嘗君名文俱各以功力相尚當時謂四豪

宋趙普在中書呂端爲參政趙嘗語人曰吾觀呂

公奏事得嘉賞未曾喜遇抑挫未曾懼真台輔之器

也唐書武后謂狄仁傑曰安得一奇士用之仁傑

曰張柬之雖老宰相才也漢諸將欲立光武尊號

光武不可朕純進曰諸將從大王於矢石間正願攀

龍鱗附鳳翼耳今不正尊號大眾必散矣光武乃卽

位李白事謠後人品類終軍年弱冠上書曰臣請授長纓

縛南粵王致闕下武帝壯之司馬相如過昇仙橋

題其柱曰不乘駟馬車不復過此橋後果建節而還。
後漢陳矯謂陳登曰遠近之論謂明府驕而自矜。
登曰閨門雍穆有德有行吾敬陳元方兄弟淵清玉
潔有禮有法吾敬華子魚清修疾惡有識有義吾敬
趙元達博聞強記奇逸卓犖吾敬孔文舉雄姿傑出。
有王霸之略吾敬劉玄德所敬如此何驕之有。
寇
詳薦 馬子才送陳自然序云子之此遊挾何術以
拔篇
往曰吾視囊中不見乎有物視吾胸中耿耿者尚在
也。晉謝安王坦之時稱大才槃槃謝家安江東獨

步王、文、度。史記平原君修好於楚毛遂請行平原君曰士之處世如錐之處囊其末立見遂曰使臣得處囊中則脫穎而出矣。後漢趙壹羊陟造其廬奇之曰子之才發硎之刃也不用之斬鯨鯢犀負此鋒銳矣。唐裴琰之爲同州司戶年少刺史輕之命判積案數百道琰之一時剖決刺史大驚號霹靂手。晉顧和字君孝族叔榮見其丰儀迥別恒雅重之謂人曰此吾家麒麟也。騷音香藁音鳥神馬日行千里皮日休有大志嘗作詩云五嶽爲詞鋒四溟作胸臆。南宋史云

王儉少有宰物之志。嘗賦詩云。稷契光虞夏。伊呂翼商周。及爲相。人目之爲風流宰相。唐員半千。初名兆。舉童子科。對詔高第。長史王義方賞其豪邁。且曰。五百歲一賢者生子。其當之。因收以今名。曰半千云。唐張萬福爲濠州刺史。改名正德。宗名謂曰。先帝改爾名爲正。褒之也。朕謂江淮草木。亦知爾名。復賜如舊。唐太宗稱虞世南有五絕。德行忠直。博學文詞。書翰俱非人所能及。宋馮京。字士式。文章豪邁。凡省試會試廷試。俱第一。且措之事業。大有作爲人。

以爲不負科名。

金鑑詳君道篇

李勣有才能唐太宗謂

曰卿朕之長城也。

勣音迹功勣也

梁何子朗擅才名人語

曰東海子朗人中爽爽。

漢史云劉盆子鐵中錚錚。

人中佼佼。

宋司馬光爲相天下愉悅田夫野老皆

號司馬相公而婦人孺子亦知其爲君實也東坡云

兒童誦君實走卒知司馬。

宋書云富弼早有公輔

之望天下皆稱之曰富公名聞邊塞遼使每至必問

其出處安否。

後漢郭泰字林宗容儀甚美士林皆

景從之。

唐書馬周有才名太宗聞而名之未至上

使四輩督促之。

趣音促。

唐王翰文士也。杜華母云：吾

欲卜居，使汝與王翰爲鄰，竟徙居從之。

曹操欲伐

吳，見孫權率兵，隊伍整肅，嘆曰：生子當如孫仲謀若

劉景升兒子豚犬耳。

英賢二

孔明臥龍子建繡虎名重於儒林陸雲隱鵠鄧艾伏鷄
魯高於藝苑瀛洲登學士文章組霧經雲西邸寓奇人
丰采離塵絕俗杜尚書稱武庫萬有充盈楞里子號智
囊百家該括李揆有聲於北却羨南朝第一人謝安見
重於時允爲西晉無雙相嵇紹處儔伍昂昂然野鶴出
雞羣王衍邁庸流炯炯乎明珠在瓦石薛家三鳳皆羽
儀王國之才荀氏八龍盡潤澤生靈之物三蘇詞藻廟
賈壘而短劉牆二宋文章薰班香而摘宋艷謝公枕藉

乎江左王粲冠冕乎漢南東方袞衣留周公不住北門
鎖鑰舍寇老其誰麟閣一十一人譽望與斗山並峻雲
臺二十八將勳庸同日月爭光麗士元寧百里才關雲
長實萬人敵八元八凱養成上古之醇一范一韓驚破
西人之膽王戎簡要裴楷清通非龍非彪非熊非羆文
王獵英師於渭水作霖作雨作舟作楫武丁起賢相於
傅巖南金東箭者功奇璞玉渾金者材美英標若狄仁
傑豈應滄海遺珠壯志如宋延清畢竟龍門奪錦

世說補曹植字子建七步成章人目爲繡虎 晉陸

雲善文章。世號隱鵠。魏鄧艾有才智。世號伏鷁。

唐太宗朝學士十八人。杜如晦。房玄齡。虞世南。褚亮。姚思廉。李玄通。蔡允恭。薛元敬。顏相時。蘇勗。于志寧。蘇世長。薛收。李存素。陸德明。孔穎達。蓋文達。許敬宗。時謂十八學士登瀛洲。南史。竟陵王開西邸。招文學士。沈約。王融。謝朓。任昉等游焉。當時號爲得奇人。晉杜預爲尚書。富於學術。時號爲杜武庫。戰國秦樗里子。腹有才識。號智囊。漢鼂錯。學中商刑名。以文學爲太常。亦號智囊。唐李揆。美丰儀。拜平章。

事帝曰卿門第人物文學皆爲當世第一足稱三絕。後使吐蕃戎長謂曰聞唐有第一人李揆公是否。晉謝安有重名時人相語曰安石不起如蒼生何。後王儉謂曰江左風流宰相惟有謝安而已。晉書嵇紹傳云紹於稠人廣衆中昂昂然若野鶴之在雞羣也。晉王衍字夷甫美丰儀王敦稱其處衆中如珠玉在瓦石間顧愷亦稱衍巖巖清峙壁立萬仞。唐薛元敬薛收及族兄德音居河東皆有才名時稱河東三鳳。後漢荀淑潁川人好學有高行桓帝朝出。

蒲朗陵侯蒞事明理。稱爲神君。生子八人。儉、緄、靖、熹、
汪、爽、肅、塹。惟爽字慈明。最爲巨擘。語曰：荀氏八龍。慈、
明無雙。穎陰令更命其里曰高陽里。宋蘇洵二十
七始發憤爲學。與二子軾、轍至京。歐陽修得洵所著
權書衡論。以爲賈誼、劉向不能過也。一時父子皆知
名號爲三蘇。唐人詩云：氣劇屈賈壘。目短曹劉牆。
宋郊、宋祁兄弟同試。奏名以祁第一。章憲太后曰：
弟可先兄乎。並賜狀元。時號大小宋。唐文粹云：薰
班香摘宋艷。

班固
宋玉

晉書謝安傳：安爲相。不動聲色。

惜生民於枕席之安。後漢王粲避亂依荊州劉表。才高作賦爲漢南首冠。周公居東東人留之。詩曰。是以有蓼衣兮。毋以我公歸兮。毋使我心悲兮。朱書。寇準守大名府。北使至。謂曰。相公有重望。何不在中書。準曰。聖主以北門鎖鑰。非準不可。漢宣帝思股肱之美。圖功名於麒麟閣。惟霍光不名。其次張安世。韓增。趙充國。魏相。丙吉。杜延平。劉德。梁丘賀。蕭望之。蘇武。凡十一人。漢明帝思功臣。乃圖畫二十八將於南京雲臺。以鄧禹爲首。次馬成。吳漢。王良。賈復。

陳俊耿弇杜茂寇恂傅俊岑彭堅鐔馮異王霸朱祐
任光祭遵李忠景丹萬修蓋延邳彤姚期劉植耿純
臧宮馬武劉隆又益以王常李通竇融卓茂合三十
二人馬援以椒房之親獨不與焉蜀志龐統任未
陽令在縣不治魯肅曰士元非青里才若使爲治中
別駕始展其驥足耳通鑑高辛氏有才子八人口
伯奮仲堪叔獻季仲伯虎仲熊叔豹季狸天下謂之
八元舜舉之使布五教高陽氏有才子八人曰蒼舒
璜欽檮戴大臨龐降庭堅仲容叔達天下謂之八凱

舜舉之使舉后土 宋范仲淹韓琦與西夏人話曰

軍中有一范西人聞知驚破膽軍中有一韓西人聞

知心膽寒 世說云王戎裴楷方總角時共詣鍾士

季既去有客問二子人品鍾曰王戎簡要裴楷清通

後當爲吏部尚書果然 渭水傳巖 俱詳地理 晉書顧衆吳

郡人虞潭會稽人並起兵討蘇峻贊曰顧實南金虞

惟東箭 晉山濤字巨源武帝朝爲吏部尚書甄拔

人才各爲題目奏之時稱山公啓事王戎目之爲璞

玉渾金人皆欽其寶莫知名其器 唐狄仁傑爲吏

誣訴閻立本名訊異之曰可謂滄海遺珠唐武后
遊龍門命羣臣賦詩先成賜錦袍宋之問詩成文理
兼備乃就奪東方虬錦袍衣之武后曰姑試卿等耳
仍賜東方虬錦袍

宋之問
字延清

英賢三

虎○生○文○炳○鳳○出○采○揚○鍾○元○常○一○代○偉○人○裴○神○駒○三○河○彥○
士○徐○勉○裴○英○騰○茂○冀○之○北○羣○馬○遂○空○狄○公○絕○類○離○羣○斗○
以○南○一○人○而○已○直○言○不○諱○汲○長○孺○固○社○稷○臣○豪○氣○未○除○
陳○元○龍○真○湖○海○士○江○東○百○年○之○業○非○安○石○如○蒼○生○何○春○
秋○九○合○之○勳○微○管○仲○其○左○衽○矣○司○馬○公○氣○吞○八○九○雲○夢○
范○老○子○胸○藏○十○萬○甲○兵○仲○山○甫○佐○周○朝○色○絲○補○袞○蕭○相○
國○興○漢○室○刀○筆○平○衡○一○闢○八○荒○伊○尹○自○任○以○天○下○之○重○
寸○心○千○古○韓○愈○不○讀○非○聖○人○之○書○張○子○野○號○三○影○郎○中○

聲施末世郭弘霸爲四其御史名重當年陳遼足驚座
之賓李廣真嚇蠻之將崔伯彥崔仲文兩鳳齊飛劉公
山劉正禮二龍並躍李太白驅馳屈宋鞭撻楊馬郁郁
乎茂實歲癸司馬遷貫穿經傳馳騁古今彬彬然榮聲
洋溢皇甫湜儒林雋望瞻仰依歸張九齡文障雄師縱
橫莫敵具棟梁之用森森乎和嶠千丈松備瑚璉之資
炯炯乎鄒生一片玉鄒衍談天肆辯壯語驚人袁宏倚
馬作文雄才傾軼諸葛固略中之樂毅王導乃江左之
夷吾謝玄捷淝水之師頻播地軸劉琨發荊州之解足

破天荒越府三才不是尋常人物平原二陸孰非卓犖
英雄衛叔寶丰標迥異真玉人哉劉器之志節勿磨乃
鐵漢耳

翰苑新書云虎生而文炳鳳出而采揚天姿美故也魏

鍾繇字元常遷太尉時華歆王朗並先朝名臣文帝
謂左右曰此三公者皆一代之偉人也北史裴駿
字神駒河東人太祖討蓋無駿陳敘事宜太祖悅因
稱爲三河領袖南史徐勉宗人孝嗣見其美嘆曰
此人中騏驎也必能致千里唐書武后攘奪神器

狄仁傑蒙恥奮忠引張柬之等反周爲唐。蔣仁基美其誼曰：狄公之賢，北斗以南一人而已。漢書汲黯字長孺，性鯁直。君有過，必直言折之。武帝謂左右曰：古有社稷，臣如黯近之矣。

陳元龍詳實主
翰謝表詳前篇

司馬

相如子虛賦：吞若雲夢者八九於其胸中，曾不蒂芥。

米范仲淹守西夏。夏人戒曰：此小范老子，胸中有

數萬甲兵，不比大范老子可欺也。

范雍亦嘗
守西夏

詩云

衰職有關，仲山甫補之。

謂盡
相職

漢書蕭何佐漢祖取

天下，乃起自刀筆吏。

詩話：張子野爲郎中，詩有雲

破月來花弄影。浮萍破處見天影。隔牆送過鞦韆影。
人謂之三影郎中。唐郭弘霸自陳討李敬業。臣誓
袖其筋。食其肉。飲其血。絕其髓。武后悅。授監察御史。
人號四其御史。漢陳遵有重名。時有與遵同姓名
者。有客坐定。報傳遵至。坐中賓客莫不震動。號陳驚
坐。漢李廣鎮北平。邊人畏之。號飛將軍。北齊史
崔陵字伯彥。與弟仲文同日被顧命拜相。時人榮之。
稱兩鳳齊飛。吳志劉繇字正禮。兄岱字公山。有人
薦之於刺史曰。明公舉公山於前。用正禮於後。所謂

御二龍於長途。騁騏驎於千里。李翰林草堂集序

云。馳驅屈宋。鞭撻楊馬。千載獨步。惟公一人。歲寒

草木。暢茂之謂。裴音漢司馬遷贊云。其涉獵者廣

博。貫穿經傳。馳騁古今。唐書皇甫湜負才名。與白

居易。劉禹錫等相頡頏。儒林推爲雋望。玉堂遺事

張九齡爲文。俊逸雄偉。人莫敢當其鋒。學者僉謂之

文陣雄師。晉書和嶠有盛名。庾亮見而嘆曰。嶠森

森如千丈松。雖礫硠有節。日施之大厦。有棟梁之用。

晉郊詵傳。詵桂林之一枝。崑山之片玉。史荀卿

傳云鄉衍之術迂大而閎辨齊人曰談天衍晉史

桓溫北征鮮卑喚袁宏倚馬前作露布文手不輟筆

世以爲倚馬作文李白事非也諸葛亮躬耕南陽

自比於戰國時之樂毅晉渡江時江左草創綱維

未舉溫嶠殊以爲憂及見王導共談歡笑曰江左自

有管夷吾吾復何憂謝玄事荆州舉于久不發

解人以爲天荒劉琨乃以舉人廷試第一因號破天

荒琨音退晉書東海王越川三才劉與長才濟涓

大才裴邈清才號越府三才平原二陸謂陸機陸

雲兄弟

晉書衛玠字叔寶美丰儀當時稱爲玉人

王敦雅重之嘗謂謝鯤曰昔王輔嗣吐金聲於中朝

此子今復玉振於江表微言之緒絕而復續不意永

嘉之中復聞正始之音阿平若在當復絕倒

王澄字平子亦

稱阿平宋劉安世字器之有與蘇東坡論元祐之才

者東坡曰器之真鐵漢不可及也

英賢四

周武之能臣十亂。漢高之傑佐三人。堯舜作大章一夔。
自足。宋宗選承旨五鳳。聯飛二鯢。二王氣節才華可錄。
三蘇三呂文章事業何如。可人曾曰王敦好漢只稱吳。
進建安七才子共著文名。程門四先生互傳道統。荒年。
穀豐年玉聲價並高。魏家壁孔家金珍奇俱絕。上官儀。
神仙之態。劉立德霸王之姿。韓信奇才。用處可當一而。
柳惲實學。分來足了十人。蜀五常一英。光昭家譜。唐三。
才之絕。美冠儒紳。沈謝曹劉俱可。暗中摸索。封胡羯末。

盡堪舌上揄揚。羅含固荆楚之材。賈誼乃洛陽之俊。四
足居士以恬以澹家風。三紅秀才又巧又新。詩句人中
佼佼。鐵中錚錚。遠邁庸流。千人諾諾。一人謬謬。迥超時
俗。投戈作露布。非修期而何。飲酒讀離騷。必元朗乃爾。
李迪公輔器。更自恢恢。彥國王佐才。豈應落落。邊羅漢。
孰非佳號。洪佛子偏是異稱。唐嗣甫爲齊王。金城一朝
保障。魏鄭公作太宗寶鑑。千古元龜。

漢三傑。謂張良。韓信。蕭何。後漢書云。章帝命曹褒
爲定禮。謂之曰。昔堯帝作大章一夔足矣。宋書太

邊鎬守長沙性柔寬吏民甚愛之號爲邊羅漢趙
宋洪皓尹海寧秀州水移粟活九萬五千人時號供
佛子。金城詳地理篇唐書魏徵封鄭公耿直不阿君有
過必諫之及死太宗慟曰以銅爲鑑可正衣冠以古
爲鑑可知興替以人爲鑑可明得失朕嘗寶此三鑑
內防已過今魏徵逝一鑑亡矣

廉潔

厚德鎮浮。孤標拔俗。出層氷於巨壑。清絕塵埃。和玉屑
於脩莖。氣融沆瀣。黃金雖好。馮驩以市義爲先。白璧縱
良。子罕以不食是寶。義重裴寬。居家無芭苴之物。安貧
王質到處有氷蘖之聲。却除僚友。贈羊君懸梁上之魚。
愛惜子民。財馮尹齋廡中之馬。遠趨流俗。杜暹稱百紙。
叅軍適出等倫。劉寵號一錢。太守鍾離委珠璣於殿上。
衆人皆濁而彼獨清。李勉投犀象於江中。舉世盡汚而
渠自潔。楊秉驅夫三惑。操履堅貞。列僊居然一體。形容

枯寂四知不泯楊伯起辭暮夜之金一潔無瑕吳隱之
披寒冬之絮趙抃攜琴入蜀輕煙一轡馬偏驕鄧攸載
米來吳明月片帆舟自穩包公不持佳視清漣冰壺甄
老獨取瘦羊評香月旦制行有如唐介必不同僚屬分
珠甘貧誰似修齡豈肯向陶公索米朝質給絹爲兒曹
服俸有餘資范宣裂帛作婦人幘禮難再却

唐竇侍御姿容豐美杜甫贈詩云驥之子鳳之雛炯
如清冰出萬壑置之迎風寒露之玉壺

地風館寒露
節皆漢武帝

所作中
有玉壺

玉屑修莖漢武柏梁臺事

史記孟嘗君

使馮驩收債於薛。驩曰：債畢收，以何市而反？孟嘗君曰：視吾家所寡有者。驩之薛而返。孟嘗君怪而問之。驩曰：臣竊計君宮中積珍寶，狗馬實外廐，美人充下陳。君家所寡有者，惟義耳。臣矯君命，以債賜諸民，因燒其券，民稱萬歲。竊以爲君市義。左傳：宋人或得玉，獻諸子罕。子罕曰：我以不貪爲寶，爾以玉爲寶，若以與我，皆喪寶也。不若人有其寶。卒弗受。喪寶謂一寶。唐韋誦登樓，見人於園有所廕藏者，使吏召其人至，乃裴寬也。問其故，答曰：寬義不以苞苴污家，適

有餽鹿者致而去。故瘞之。詵嗟嘆之不已。宋王質以貧爲寶。嘗得顏魯公乞米帖。刻石以模之。徧遺親友。終身不貪。所至有水漿聲。葉音栢。卽黃栢。漢羊續守廬江。有獻生魚者。續懸於庭後。又獻之。乃出所懸者以示之。蓋杜其意也。唐馮元淑歷浚儀。始平二邑令。單騎赴職。未嘗以妻子之官。所乘馬不與芻豆。人謂之齋馬。唐杜暹爲婺州叅軍。秋滿歸。吏贐以紙幅。暹受其百人。謂之百紙叅軍。後漢劉寵爲會稽守。郡中大化。徵爲將作大匠。山陰五六老叟人齋百

錢送寵寵選一大錢受之時號一錢太守漢鍾離
意爲尚書時交太守張伋坐贓徵還伏法詔贓物
頒賜羣臣意得珠璣委之殿上帝問其故對曰孔子
忍渴於盜泉之水曾參回車於勝母之閭惡其名也
此贓穢之寶誠不敢拜上白清哉尚書也乃更以錢
十萬賜之唐李勉拜嶺南節度使極廉潔歲久名
還恐家人所蓄有犀角象牙珍寶悉搜出之投之江
中後漢楊秉爲太尉以淳白稱常從容謂客曰我
有三不惑謂酒色財也故贊云秉去三惑相如傳

云相如以爲列仙之傳居山澤間形容甚臞

漢揚

震爲東萊太守道過昌邑故人王密懷金十斤以遺

震曰暮夜無知者震曰天知地知我知子知何謂無

知密愧而去晉書吳隱之性廉潔冬止一襖或洗

惟披絮賓至必俟服訖然後出見宋趙清獻公抃

初任成都攜一琴一鶴一馬而行其再任也屏去琴

鶴止有一蒼頭執事晉鄧攸字伯道爲吳郡子載

米而往唯飲吳郡之水而已後任滿而去百姓攀留

有鄧侯挽不留謝令推不去之語宋書包拯守端

州端溪有龍尾石硯公任滿日不持一硯而歸

羊瘦

博士詳
文職篇

言行錄潭州一巨賈私藏寶珠爲關吏所

搜太守而下輕其估悉自售焉時唐介以言事謫潭

倅分珠猷發仁宗曰唐介必無是案覽案果然世

說王修齡嘗在東山甚貧乏陶道則爲烏程令送米

一船答曰王修齡餓自就謝仁祖索食不須陶公送

米晉胡威父質守荊州威往省之及歸質賜威絹

一匹威跪曰太人清素於何有此質曰吾俸祿之遺

故以爲汝曹之服耳世說晉范宣素清潔韓康伯

遺絹百匹不受。減五十匹。復不受。如是減半。遂至一匹。既終不受。韓後與范同載。就車中裂二丈。與范云。人寧可使婦無幃耶。范笑而受之。

廉潔二

膏脂莫潤圭玉無瑕張堪乘折轅車可謂古人古器主
續臥蒲紙被乃知素士素風帛亡於庫庾水遠市絹還
官橘熟於廳柳玳且輸錢納直吳隱之性真澹若不妨
一飲食泉鍾離意稟質粹然寧肯羣分穢物受茶一串
陸公履素合貞飲水一盂趙子吞芳茹潔李廙爲司馬
居家常設敞門簾陸納作尚書去任但存殘襖被自甘
淡素石公不受盤飧勿慕膏腴沈顗固辭梁肉余文襄
懷雅操未載南方一物還趙清獻樹高標不攜西蜀瓜

琴返向文簡。駕牛易。鞠淳德。可風。項仲山。飲馬投錢。素
行足錄。介然絕俗。人嘉。獨立使君。潔矣離塵。士服真清。
長史。無貪饕之極。慾。曾。聞。魯。相。辭。魚。有。廉。靜。之。遺。風。又
見。時。公。留。犢。觀。廣。陵。濤。出。去。念。慮。無。求。載。鬱。林。石。歸。來。
聲。名。愈。重。契。券。豈。詩。文。金。珠。非。脯。醢。朱。夫子。正。是。賢。儒。
有。官。居。鼎。鼐。無。地。起。樓。臺。寇。萊。公。允。稱。名。相。

膏脂莫潤二句。李義山文。

漢光武召諸郡計吏問。

其風土及前後守令能否。樊顯進曰。漁陽太守張堪
昔在蜀郡。仁以惠下。威能討奸。公孫述破時。珍寶山。

積捲握之物足富十世而堪去職之日乘折轅車布
被囊而已。後漢羊續爲南陽太守以儉率下臥一
布被被敗則以紙糊之。晉庾冰傳冰天性清慎子
襲嘗貸官絹十餘匹知怒捶襲卽市絹還官。唐
柳玘爲嶺南節度使屏中橘熟兒女摘食之遂輸錢
納直於庫咸嘉之。隱之詳地理
鍾離詳前篇唐陸贄爲壽州
刺史往謁張鎰鎰餉錢百萬曰請爲屏夫人一日享
贄不納受茶一串曰敢不承公之賜。隋趙範爲齊
州別駕入朝父老送之曰公清如水請酌一杯水以

奉餞公爲飲一杯。唐李廌爲司馬有清德其妹劉

晏妻也。晏方秉政嘗造廌寢室見門簾甚敝令工人

編鹿竹爲一簾加以綠飾將持贈廌三攜至門不敢

發言而去。廌音亦晉書陸納拜尚書臨發止有壞被

襖而已以外行李蕭然。晉書石介爲舉子時讀書

於南都時侍郎王濟聞其窮困因餽以盤飧却而不

受曰今日固好明日如何。梁沈顗齊末兵荒與家

人併日而食有餽梁肉者閉門不受唯採蓴菜荇根

以供食。顗音以趙宋余靖嘗爲廣西女撫及北婦不

載南方一物士嘉其清潔

趙清獻
詳前篇

言行錄向文

簡公敏中判大理時。僕以青絲爲鞞。以御馬。公曰。昔晉武帝爲君。猶不爲此。我何靡焉。遂命以白麻代之。

項仲山安陵人。飲馬渭水。每投三錢。郝廉亦然。

僞正使君
詳文職篇

唐書陸景倩爲長史。按察使覆州

縣。殿最吏言狀曰。基強清。基詐清。惟景倩乃真清人。號真清長史。史記公儀休相魯而嗜魚。一國爭買魚獻之。公儀子不受。其弟曰。夫子嗜魚而不受何也。公儀子曰。夫惟嗜魚故不受也。今爲相能自給。若受

魚而免於相離復給我魚者

時公積
詳畜產

明朝正統

間。聶大年性廉靜有門生任揚州尹公往詣之巨賈
有罪以千金賂公求免公曰此來爲觀廣陵濤并看
無雙亭瓊花請公勿猜作跨鶴揚州客也吳陸績
遠祖爲鬱林太守及歸舟輕取石壓之世號爲鬱林
石朱文公疏今之在位以金珠爲脯醢契券爲詩
文真斯世確症也

寇萊公
詳官室

忠直

直道無回。精忠不屈。森農白簡之陳風。銷羣枉。愷切青蒲之奏。日照孤忠。仲舒爲世醇儒。叔向真古遺直。崔隱甫不屈牛仙客。侃侃剛風。汲長孺獨揖衛將軍。行行正氣。腕可斷麻。不可草韓致元格。君心之非山。可移判不可搖。李元紘持天下之正。昂昂楚楚。劉行本寧作弄臣。懇懇勤勤。陸忠宜允爲吉士。蜀正方之莫犯。腹中應有甲鱗。唐克治之難于李下。固無蹊徑。乘馬諫天子。張湛心忠。請劍斬佞臣。朱雲氣壯。豐稷讀仇士良傳。朗宣豈

作。嘖。嘖。聲。呂。誨。彈。王。安。石。文。直。論。寧。爲。軟。媚。態。稟。英。聲。
於。天。下。桓。御。史。馳。當。道。之。驄。植。風。采。於。朝。端。李。諫。官。開。
朝。陽。之。鳳。直。聲。振。動。孔。道。輔。扣。響。門。環。義。氣。奮。揚。申。屠。
剛。觸。殘。車。駕。虎。在。山。而。莫。采。藜。藿。豺。當。道。而。寧。問。狐。狸。
李。節。度。膽。落。於。溫。造。允。矣。桂。後。惠。文。裴。延。齡。相。沮。於。陽。
城。誠。哉。人。中。日。扶。風。聲。動。地。謾。道。先。生。鐵。作。肝。威。武。震。
天。却。說。此。公。是。膽。誓。言。弘。霸。必。欲。抽。反。臣。敬。業。之。筋。
伏。罪。郭。彰。安。被。御。史。劉。噉。之。角。

唐任昉爲一史中丞奏彈曰臣謹奉白簡以聞。簡畧然也

漢書史丹遷侍中元帝欲廢太子丹直入臥內伏

青蒲以諫皇儲遂定

以青規地曰藩非皇后不至此

左傳昭十四

年孔子曰叔向古之遺直也治國制刑不隱於親

漢董仲舒以賢良對策爲漢醇儒唐嚴挺之等贊

挺之拒宰相不肯見李林甫崔隱甫違詔不屈牛仙

客信剛者乎漢衛青爲大將軍公卿以下皆折節

拜之惟汲黯獨不拜曰以大將軍有揖客顧不重耶

唐韓偓字致元宰相韋貽範以母喪罷去制未滿

急求起復昭宗詔還位命韓偓草制偓曰腕可斷麻

不可草。唐武后時李元紘遷雍州司戶時太平公主與僧爭確磴百官皆順旨元紘遂判於寺僧長史竇懷貞大懼迫令改之元紘大署判後曰南山可移此判終無搖動。府劉行本爲左庶子太子得良馬欲令行本乘行本正色曰至尊置臣於庶子欲令輔導非爲作弄臣也。唐陸贄行狀公勤懇懇於章奏間必欲致主王道固吉士也。蜀李平字正方爲都護陳震曰正方腹中有鱗甲但不可犯耳。唐李又字克治爲人耿直爲吏部侍郎人不敢干以私時

人語曰。李下無蹊徑。東漢紀。光武臨朝。或有情容。

張湛輒諫其失。湛常乘白馬。帝每見湛。輒言曰。白馬

生且復諫矣。漢紀。朱雲上書。請上方斬馬劍。斷佞

臣一人頭。上問誰曰。張禹上怒。將雲下斬之。雲攀折

殿檻。宋豐稷爲侍御史。宦官寢盛。稷懷唐書上殿

爲上讀仇士良傳數行。上曰。已知稷僞。爲不聞朗讀

畢。言行錄。呂誨字獻可。任侍御。入對。司馬溫公曰。

今日欲言何事。誨出袖中彈文曰。論新叅也。溫公愕

然。王安石初拜。驃馬御史。詳文職篇。唐高宗時。自韓瑗褚

相。故曰新叅。忠直。三。同家。庶。

遂良死。內外以言爲諱。高宗下詔造奉天宮。李善感始極言諫。之人謂鳳鳴朝陽。言行錄。孔道輔爲諫議。上廢郭后。道輔與范仲淹詣闕門請對。宦者闔扉拒之。道輔手拊銅門環呼曰。皇后被廢。奈何不與我等進諫耶。東漢中屠剛拜侍御史。上數欲出幸。剛諫止之。不聽。乃以頭軻乘輿。使馬不前。射狼當道張綱事唐溫造爲御史。節度使季祐入朝。違制。溫彈劾之。李祐趨出。謂人曰。今日膽落於溫御史矣。唐書。德宗欲相裴延齡。陽城爲諫官。極沮之。德宗不聽。城出。

語人曰。白麻出。我必壞之。慟哭於廷。延齡遂不得相。
東坡詩云。烏府先生鐵作肝。風霜卷地不知寒。
蜀志先主謂趙雲。此公一身都是膽。郭弘霸事見賢才篇
晉書劉暉爲侍御史。武庫火。尚書郭彭率人自衛。而不救火。暉正色詰之。彭怒曰。我能截君角也。暉勃然曰。天子法冠。而欲截角乎。君何敢恃寵作威福耶。求紙筆作牒文奏之。彭伏罪不敢言。人勸之乃免。

忠直二

直聲揭天正氣如日大丈夫堂堂守正獨觀明日張膽
之風真御史謬謬抗言方見逆耳犯顏之操任延素懷
忠耿寧事上官周紆獨秉剛貞頓傾貴戚歸登寄名雷
霆下肯披龍鱗冠準投身烟瘴間甘蹈虎尾強項令
千仞而孤鶩魚頭公豸一角而觸柱王義方王階碎首
憲職班空江文蔚金闕披肝彈文紙貴劾奸劉摯陰見
睨而聿銷補闕魏謩木從繩而自正唐子方敢彈彥博
寒松應不妖范羊叔子不附王戎古瑟却無俗韻杜莘

卷四

老○兩○封○如○雷○震○奸○宄○心○寒○包○孝○肅○一○笑○比○河○清○侯○腴○膳○
落○柳○公○權○居○雄○職○可○知○棱○厲○其○肝○腸○任○伯○雨○號○慙○章○僉○
謂○神○明○其○耳○目○柔○無○茹○剛○無○吐○熊○遠○輩○之○高○標○忠○不○隱○
直○不○形○柳○惲○君○之○雅○操○正○士○敢○言○僉○壬○引○穴○端○人○在○位○
貴○戚○泥○樓○舍○豺○狼○安○問○狐○狸○爲○鷹○鷂○不○若○鸞○鳳○王○志○情○
節○高○天○下○梗○楠○豈○樸○櫟○之○材○韋○仁○約○特○立○殿○中○鵬○鶚○非○
衆○禽○之○偶○規○徵○盡○底○蘊○二○百○餘○奏○字○字○冰○霜○范○鎮○論○儲○
嗣○一○十○九○章○言○言○金○石○是○孰○謂○柳○條○通○體○弱○抑○豈○知○石○
子○一○身○剛○法○星○懸○火○旻○楊○諫○垣○許○多○烜○赫○清○冰○山○萬○壑○

賓侍御無限威嚴

唐韋思謙爲御史。謂所知曰：大丈夫當之地。須明日張膽以報國恩。寧能碌碌爲保妻子之臣。言行錄。王素旣升臺憲。風力愈勁。嘗與同列奏事。上有不懌。衆皆引去。素方論列是非。俟得旨。乃退。帝嘆曰：真御史也。人稱爲獨擊鶻。後漢書：光武以任延爲武威太守。戒之曰：善事上官。無失名譽。延對曰：臣聞忠臣不私。私臣不忠。臣不敢奉詔。帝曰：卿言是也。周紆歸登。俱詳文職。趙宋寇準彈劾丁謂。爲丁謂所沮。竄於

雷州司戶踰廿年而卒

強項令詳身體
魚頭公詳文職

唐書王

義方爲侍御。君有過必諫之。嘗謂人曰。醉首王階。庶

明臣節。人推爲憲職之巨望。徐騎省集江文蔚嘗

爲御史中丞。披肝瀝膽。彈劾權奸。朝野喧騰。傳寫彈

文。一時紙價貴。言行錄。劉摯爲侍御史。彈劾蔡確。

其罪有十。又論章惇凶悍。無大臣體。皆罷職。覲胡典切賢上

去聲 總落魏徵之孫。官少保。慷慨立朝。議論不屈。有

烈祖風。恭同 趙宋唐介。字子方。爲御史。張堯佐再

除宣徽使。介諍之。仁宗諭曰。除擬初出中書。介遂極

言宰相文彥博知益州日以燈籠錦媚貴妃致位宰相仁宗怒貶介英州別駕晉書羊祜字叔子鎮荊州不附中朝權貴王戎王衍並憾之人語曰二王當國羊公無德中興繫年錄桂義老爲御史彈劾王繼先張去爲輩封章兩上聲聞如雷之震一時都人稱骨鯁者必曰杜殿院云趙宋包孝肅公拯爲人正直不敢干以私人以其一笑比黃河之清唐書柳公權爲御史親友怪其校厲公曰御史爲雄職吾不得不爾東都事畧任伯兩性剛鯁爲諫官僅半

載所上一百八疏皆係天下治體號贛章云贛音撞

晉書熊遠遷御史中丞上每嘆其公忠謂遠曰卿

在朝正色不茹柔不吐剛真可謂王臣唐書柳惲

爲右補闕不隱忠以固位不形直以奸名可謂人臣

純節西漢薛宣傳宣字頓君鄉人爲御史中丞執

法不枉嫉惡如仇奸豪畏之皆引穴以斂其迹云

唐李景讓爲御史大夫內臣貴戚有看街樓閣皆泥

之人問故曰畏李御史彈劾耳後漢仇覽爲主簿

邑有陳元不孝覽不罰而化之考城令王渙謂曰主

簿得無少鷹鷂之志耶。覽曰：以爲鷹鷂不若鸞鳳。渙
謝曰：枳棘非鸞鳳所棲，百里豈大賢之路。唐王志

愔傳：公爲左臺侍御史，執法剛正，時人呼爲皂鵬。帝
亦謂志愔節高天下，豫樟楩楠非樸樛之比。唐書

韋仁約爲御史，與公卿相見，未嘗行拜禮，或勉之。仁

約語曰：鵬鷂鷹鷂，豈衆禽之偶。奈何褻以狎之。唐

魏徵字元成，太宗拜諫議大夫，引至臥內，訪天下事。

凡上二百餘奏，無不剴切當帝心者。言行錄：范鎮

字景仁，仁宗未有繼嗣，嘉祐初得疾，中外危恐，公獨

奮曰天下事尚有大於此者乎其章疏凡十九上翼
髮爲白。職官分紀柳誦爲御史楊素戲之曰柳條
通體弱獨指不禁風調正色曰誦信無可取公不當
以爲侍御史信有可取公不當發此言素奇之唐
史石雄敢殺善戰臨財不苟取人有過必折之時語
曰石子一身是剛劉禹錫送楊侍
驚鳥得秋
氣法星懸火晏

寶侍御詳
康深篇

恬澹

退然自處淡矣無求。左絃右壺誰識箇中雅趣。南鄰北里共成物外佳游。溪山不換王侯。風月迭爲賓主。咳唾。倘來軒冕箕山。試揭許由瓢杖。藜歸去田園彭澤。頓辭陶令印。歐陽子茅簷涼簟。豈想王堂司馬公流水青山。姑從獨樂李鄴侯。五不可一毫世味不關心。司空圖三宜休兩字功名非着意。華山風景好。宋齊丘誠知足之人。雲觀夢魂甜扶搖子。固長眠之客。裴晉公堂開綠野。宦途上息足爲安。白樂天社結香山。苦海中回頭是岸。

嵇叔夜與朋儕行樂縱飲竹林。呂僧珍勉子姪無求亟歸。蔥肆羊裘一着。嚴陵灘上客星高。鳳閣不登。元結洞中兵燹遠。好鳥偏留客。可嘉泰系之高吟。碧山不負吾更羨張褒之長嘯。

柳文不矍矍於進取。左絃右壺樂以自放。陳后山

答秦少游書云。師道潛處草莽。暇日與北里南鄰量

晴較雨。傅公乃欲以禮見之。僕有汶上之想耳。趙

宋李東之致仕。以山水自娛。常語人曰。溪山不換王

侯。王侯亦不換溪山。宋謝謏云。入吾室者。但有清

風對吾飲者惟當明月
通鑑許由隱箕山潁水間

人遺以一瓢掛瓢於樹風吹瓢有聲山以爲煩遂揭

而去之
晉書陶潛爲彭澤令上官至吏請束帶往

見之潛曰吾不爲五斗粟折腰事鄉里小兒遂解印

而歸
歐陽永叔內制序云嗚呼子老矣方買田淮

潁之間涼竹簟之暑風曝茅簷之愛日顧瞻玉堂如

在天上
司馬溫公獨樂園云青山在屋上流水在

屋下
唐李泌封鄴侯相肅宗辭去云臣有五不可

仕遇太早陛下用臣太重恩太深功太高迹太奇

唐司空圖致仕居中條山作一亭名曰休休謂量才一宜休揣分二宜休老而贖三宜休自稱耐辱居士。

五代史宋齊丘相李主昇上表乞歸九華山其畧

云千秋載籍願爲知足之人九朶峯巒永作乞骸之

客。陳希夷隱西華雲臺觀中先生好睡每睡數日

而醒。唐裴度封晉公致仕歸開綠野堂涼臺煥館

其焉與白居易劉禹錫把酒相歡不復問人間事。

香山居士 許耆英篇 晉嵇康字叔夜與山濤阮籍阮咸向秀

劉伶王戎爲竹林之遊時謂竹林七賢 詩史梁呂

僧珍爲冠軍將軍。其先以販蔥爲業。及僧珍貴。其子
姪棄業求官。僧珍不許。曰。汝等自有常分。豈可妄求。
富。函歸蔥肆耳。漢。嚴子陵。身披羊裘釣富春山。光
武物色求之。旣入朝。與光武共寢。以足加帝腹。次日
太史奏曰。客星犯帝座。元結事唐。秦系。致仕歸。
春賦詩云。好鳥偏留客。嬌花欲媚人。一樽歸興晚。物
我總成春。梁。張褒。天監中。不供學士職。御史欲彈
劾之。褒嘆曰。碧山不負吾。乃焚章長嘯而去。後人詩
云。碧山學士焚銀魚。白馬却走深巖居。蓋本此。

恬澹二

急流勇退○晚節後凋○使君相重名節之人○爲國家倡廉○
退之俗景公○千駟無得而稱富貴○何爲顏子一瓢不改○
其樂貧窮○奚害一竿風月○獨羨涪翁半榻烟霞○還高退○
叟○草廬隱諸葛○常賔梁父之吟○莘野處阿衡○何慕商王○
之聘○法孝直○南山之南北山之北○春秋白可徜徉○孔文○
昇○後漢之後○前漢之前○今古從其上下○洗硯魚吞墨烹○
茶○鶴避烟○魏處士清操傳○杯月在花○欹枕風敲竹○鄭使○
君雅興也○足軒裏覺範道人○無囂紛安樂窩中○康節先○

生絕塵俗。碧山學士焚魚去。清趣何多。白頭老監枕書
眠。黑甜自適。焚香修菊。諧韓見素。何等優游。鋤月種蘭。
花王德章。不勝散誕。楊素公無心以圖富貴。竊羞羣瑩
之慕羶。陳仲子滅跡以辭公卿。可比飛鴻之避弋。韓特
國作鷗鳬伴。侶雅致。翩翩韋表微。爲松菊主人。高懷爽
來。采羅含之蘭餌。胡廣之菊。狄梁公且教明月知心。掛
神武之服。把富春之竿。呂文煥不向畏途。着腳林和靖
孤山放鶴。眼中喜見羽儀。孔稚珪草徑留鞋。耳底忻聞
鼓吹。安步當車。晚食當肉。更是高人。皓月爲友。風爲

朋正稱佳士。啼鳥不驚人事閒。梅花爲報陽春蚤。賈侍御之幽棲。秋光都似宦情薄。山色不如歸興濃。猶羨王參軍之嘉遯。

宋錢若水字淡成。新安人。爲舉子時。見陳希夷於華山。希夷與一老僧方擁爐坐。熟視若水。以火筋畫灰。寫做不得三字。謂做不得神仙。徐曰。急流中勇退人也。後再

往。希夷曰。吾始見子神清氣朗。謂可作仙。特召此僧決之。渠云。子但能作公卿耳。後若水爲樞密副使。年

四十致仕。

老僧乃麻衣道人。

使君相二句。唐文粹語。唐

陸龜蒙號涪翁性不喜與俗人交常乘小舟設蓬牕
筆床茶竈詩卷酒杯杖屨釣具往來烟渚間時號江
湖散人東都事畧朱昂爲學士請老而歸於所居
作二亭曰知止曰幽棲自號曰退叟蜀志法正字
孝直常幅巾見扶風守守曰哀公雖不肖猶臣仲尼
柳下惠不去父母之邦欲相屈爲功曹何如正曰正
以明府相待有禮故特見之必欲以吏使之正將在
南山之南北山之北守遂不敢屈元孔文昇先聖
五十四代孫也或勸之仕答曰後漢之後前漢之前

上○下○古○今○吾○所○願○也○不○願○仕○也○
魏野朱真宗朝隱

士○屢○徵○不○起○嘗○賦○詩○有○云○洗○硯○魚○吞○墨○云○云○
宋鄭

守○愚○爲○郡○守○致○仕○歸○嘗○作○詩○有○聯○云○睡○驚○可○忍○風○敲○

竹○飲○散○那○堪○月○在○花○
韻府羣玉黃山谷有題覺範

道○人○也○足○軒○之○詩○取○兩○三○竿○也○足○之○義○
邵康節安

樂○高○詩○云○物○而○善○得○終○爲○美○事○到○巧○圖○安○有○功○不○作○

風○波○於○世○上○自○無○冰○炭○到○胸○中○
碧山學士
詳前篇
東都

事○畧○張○齊○賢○子○宗○誨○改○秘○書○監○致○仕○謂○其○子○曰○吾○作○

白○頭○老○監○枕○書○眠○何○必○學○賀○老○作○流○沙○之○服○耶○
宋

咸平元豐監察御史韓見素爲刑部員外郎遂致仕
家居賦詩云焚香修菊譜滴露注茶經明王德章
性恬澹作詩云結束學庄家功名等戰蝸三春無一
事鋤月種蘭花北史楊素少多才藝有大志不拘
小節周主命素爲詔書下筆立成辭義兼美周主曰
善自勉勿憂不富貴素曰但恐富貴來逼臣臣無心
圖富貴陳仲子楚王遣使賁金百鎰聘爲相仲子
謀之於妻妻曰結駟連騎所安不過容膝食前方丈
所甘不過一肉今爲容膝之安一肉之甘殉楚國之

憂恐夫子之不免也。夫妻逃去爲人灌園。趙朱韓維字持國請告老曰：吾欲尋鷗鳬作伴，與鹿豕爲羣耳。唐書章表微擢進士，授監察御史，不樂，曰：爵祿譬滋味也，人皆欲之。吾年五十，對鏡剪白，雜少年中，取一班一級，不見其味。將爲松菊主人，不媿陶淵明云：晉羅含歷散騎常侍，年老致仕，階下蘭菊叢生。狄仁傑告老表云：采羅含致仕之蘭餌，胡廣延年之菊。南史陶弘景掛冠神武門，不仕而歸。呂文煥爲刑部郎，忽動隱興，謂人曰：仕宦畏途也。吾欲掛

服神武投竿富春博一清散耳趙宋林逋字君復
隱居杭州孤山常蓄兩鶴縱之則飛入雲霄盤旋久
之復入籠中逋常乘小艇遊西湖有客至逋所居一
童子延客坐開籠縱鶴則逋必棹船而歸真宗聞其
名賜號和靖處士北齊孔稚珪庭階下草萊不剪
中有鳴蛙謂人曰吾以此當雨部鼓吹戰國策顏
觸對齊宣王曰觸願得晚食以當肉安步以當車無
罪以當貴清淨貞正以自娛則再拜辭去君子曰觸
知足矣歸真反璞則終身不辱文苑英華賈叔向

爲侍御史。致仕歸。嘗賦詩云。歸去閒閒十畝間。紅塵
應不到柴關。梅花爲報陽春蚤。啼鳥不驚人事閒。
張乖崖守蜀。有錄事參軍王姓者。老病留別詩云。秋
光都似宦情薄。山色不如歸興濃。乖崖曰。幕下有詩
人。奈之何不相聞耶。厚禮遣之。

力量

精神五兵肝膽一劍馳王轅轅帝馭駿業恢宏幹坤軸
撼乾樞鴻猷卓越朝廷重於九鼎君相倚如泰山障瀾
滄海之中風鵬逸致洗日虞淵之內天驥良才毛遂叱
勁楚軟盟勢凌霄漢相如逼強秦擊缶氣靡虎狼天下
英雄惟使君先吳中士夫出項梁下毅然以身任朝廷
責曹沫一劍劫桓公誓不以賊爲君父髮子儀單騎降
回紇不探虎穴焉得虎子呂家人賞生烈志之兒直入
龍宮乃取龍珠河上翁更有雄心之子冠準澶淵之役

力主奇謀。謝玄淝水之師。獨收全筭。趙雲當陽出阿斗。
左衝右突。誰與爭鋒。樊噲鴻門翼漢王。前蔽後遮。竟難
加害。班超三十六人使西域。名震邊戎。劉崇一百二卒
攻宛城。勢雄中國。陸秀實解郭晞軍。變稟稟乎太阿三
尺之鋒。汲長孺寢淮南異謀。挺挺乎明堂一柱之用。種
諤請特夏國臂。落落英雄。陳湯誓斬郅支頭。奇奇豪傑。
吳將百翎劫曹寨。眼底應無勍敵。存唐軍三箭定天山。
胸中別有神機。在威震華夏。開雲長寧。非摧枯朽之
鋒。口伐可汗。鄭元璫便是。歷塊過都之馬。

韓詩腸胃繞萬象精神驅五兵。杜詩丹膽一古劍。
波濤兩浮萍。唐文粹云。乾坤軸。撼乾樞。鼓元氣而。
雷域中。騰百川而雨天下。韓文障百川而東之。回。
狂瀾於既倒。狄仁傑傳。洗日虞淵。史記平原君。
使毛遂至楚。言合縱之利害。日中不決。毛遂曰。縱之。
利害。兩言而決耳。王怒叱之。遂按劍曰。王之所以叱。
遂者。以楚國之衆。今十步之內。不得恃衆也。王乃軟。
血爲盟。史記趙王與秦王澠池之會。秦王令趙王。
鼓瑟。趙王鼓之。藺相如請秦王擊缶。秦王不擊。相如。

曰五步之內臣得以頸血濺君秦王不得已而擊之

天下英雄曹操與劉先主語詳天文

項羽傳吳中賢士大夫皆出

項梁下每吳中有大繇項梁常爲主辦左傳齊桓

公伐魯魯三敗莊公請獻遂邑地桓公將與魯盟於

柯曹沫以匕首劫桓公於壇上曰反魯之侵地桓公

不得已而還之

子儀呂蒙事俱詳武職篇

莊子河上有家貧

者其子沒於淵得千金之珠其父曰珠在九重之淵

驅龍領下子能得之遭其睡也若使其寤子爲整粉

矣整同齋

言行錄契丹寇瀋淵寇準勸御駕親征至

澶淵又勸帝渡河。士卒望見其車騎，呼萬歲。聲聞數
十里。契丹遂靡相與定盟而去。蜀志：曹操追玄德
於富陽長坂。趙雲抱阿斗於懷，以數騎左冲右突，無
人敢抵。史記：沛公會項羽於鴻門。范增舉玦，有殺
之之意。樊噲擁盾而入，嘗張血。進羽曰：壯士也。增乃
不敢加害。漢書：班超以三十六人使西域。聞比使
在繕善，進困夜以火攻，斬其使及衆三十餘級。繕善
驚降。遂平西戎諸國。漢書：劉崇起兵討王莽，纔一
百二人耳。與劉秀共舉大事。卒成中興偉業。唐代

宗紀郭晞縱士卒爲暴。軍士十七人入市取酒。刺酒
翁秀實。列卒取十七人首。注之槩上。晞一營大譟。盡
甲。節度使白孝德恐秀實曰。請往解之。陸隨以老覈
者一人馳馬至晞門下。甲者出。秀實曰。殺一老卒。何
甲也。甲者謬然。晞盡叱退之。變隨解。通鑑。漢淮南
王安與賓客左吳等爲反謀。且曰。漢廷大臣獨汲黯
好直諫。守節死義。難惑以非。若公孫等外發蒙振落
耳。東都事畧。种世衡子諤。字子正。爲鄜延路副總
管。時夏國秉常爲母所囚。种諤入對大言曰。夏國無

人乘常璚子耳。臣請持其臂而來。神宗壯之。漢元
帝時。陳湯甘延壽同使外國。郅支單于乃殺漢使二
人。陳湯爲人沉勇。喜立奇功。遂矯制發諸國兵。四面
圍擊單于。被創死。二人大捷而歸。湯封關內侯。延壽
義成侯。吳志。曹寧率麾下精壯百人。皆首插白翎。
爲識。夜劫曹公寨。天明歸。不折一人。薛仁貴事
詳前武職
蜀志。關雲長水擒七軍時。威震華夏。唐書。突厥攻
太原。鄭元璠持節往勞。旣至。敵以不信。咎中國。元璠
隨語折讓。無所屈。徐乃數其背約。突厥愧服。引軍迎。

太宗賜書曰知卿口伐可汗邊烽息燧朕何惜金石

賜於卿哉。

音孰可汗音克寒君長之稱

勇敢

氣○蓋○羣○公○眼○空○四○海○自○任○以○重○隱○然○負○海○巨○鯨○獨○立○不○
移○屹○若○擎○天○高○柱○許○少○施○巧○膂○力○絕○人○力○折○秦○成○剛○強○
冠○世○孟○賁○拔○出○牛○角○曠○世○寡○雙○惡○來○裂○碎○豹○頭○歷○朝○少○
二○飲○飛○勇○士○斬○兩○蛟○却○有○餘○能○夏○育○雄○夫○舉○百○鈞○更○無○
難○事○曳○九○牛○之○尾○許○仲○康○千○古○俊○豪○殞○兩○虎○之○軀○卞○莊○
子○萬○夫○智○勇○周○處○殺○南○山○虎○烈○氣○無○倫○廣○陵○搏○西○園○熊○
雄○心○獨○壯○英○風○萬○人○敵○尉○遲○奪○元○吉○之○稍○猛○氣○列○朝○空○
烏○獲○舉○恭○王○之○鼎○更○見○蜀○國○王○五○丁○鑿○路○還○聞○夸○娥○氏○

二子負山叔梁紇獨持縣門驚碎國君之膽薛孤延敢
鬪霹靂挫殘雷部之威李存孝力折金戈王彥章手伸
鐵槩鐵猛獸左奔右突陣陣皆羸王夜叉直撞橫衝人
人盡靡項羽自江東崛起當代咸稱力拔山樊噲請塞
北橫行至今尚想威如虎楊無敵果人無敵石敢當又
誰敢當宋天使乃屬狄青頓使敵人褫魄漢飛將曾名
李廣必令邊境銷魂激烈如桓石虔令譽愈病子之瘞
魁梧若張文遠轟名止小兒之啼甘延壽拔距踰倫蓄
丘訢斬蛟駭衆疾雷將人人奮勇可爭先鴈子都個個

英雄堪殿後。典韋手中雙戟。是曹公護法金剛。朱亥袖裏一椎。乃晉鄙追魂使者。

氣蓋羣公二句。唐文粹語。

地輿志。渤海東有員

蓬萊五山。常隨潮波上下。帝命巨鯨舉首戴之。始峙而不動。藝文類聚。許少施巧。皆古捷人。藝文類聚。力折秦成。皆古壯士。孟賁古勇士。齊人也。能力拔生牛角。惡來秦勇士。能生裂虎豹之首。伏飛乃楚莊王勇士。莊王渡江。有二蛟夾王舟。舟欲覆。伏飛乃入水中。斬其二蛟。浪遂平。春秋時。夏育衛人。

也。力舉百鈞。魏志許褚字仲康，家有剗賊將九牛去，褚追於途，曳九牛之尾而轉之，時號爲九牛許褚。

卞莊子遊山谷間，見兩虎鬪，謂同行者俟其少倦，可併殺之。人謂其勇而有智。晉周處少時凶狠，使氣爲鄉里所患。父老憂之，處問其故。父老曰：「義興水中有蛟，南山白額虎，并子爲三害。」處乃斬蛟刺虎，自改中蛟。南山白額虎，并子爲三害。處乃斬蛟刺虎，自改行。淬礪爲忠臣孝子。西京雜記：廣陵王育有膂力，嘗於文帝太子思賢苑別圃學格熊。後遂能空手搏馬。

尉遲奪稍
詳武職篇

春秋時，烏獲有勇力，恭武王命力

士孟說共舉鼎。孟說載脰死。烏獲則舉鼎絕倫矣。

鑿路負山並詳地理

左傳晉智罃會諸侯圍偃陽城。偃陽人

啓城門。諸侯兵進。縣門下。孔子父叔梁紇極勇力。以

手持之。諸侯兵進。遂滅偃陽。

縣同懸縣門謂深門砲石

北齊薛

孤延從神武闔馬道逢大雷電火燒浮圖。延拔綃大

呼繞浮圖走。火遂滅。延鬚及馬鬣皆焦。神武嘆曰。烈

哉。延也。乃敢與霹靂鬪。後周蔡祐與齊戰。着明光

鎧。甲所向無敵。號鐵猛獸。宋王德高宗將勇猛絕

人。號爲王夜叉。先是王德以十六騎徑入隆德府。縛

金守臣獻於朝。故人以王夜叉名。史記項羽困於垓下。作歌云。力拔山兮氣蓋世。時不利兮騅不逝。騅不逝兮可奈何。虞兮虞兮奈若何。漢史匈奴數遣書嫚罵呂后。樊噲請以十萬衆橫行塞北。呂后壯之。曰。真虎臣也。趙宋楊繼業。勇力絕倫。號爲楊無敵。石敢當。五代晉祖之將也。極勇力。晉祖與愍王爭忿。敢當袖鐵鎚殺愍王左右。狄青李廣俱詳武職晉書桓石虔。小字鎮惡。勇猛絕人。有病瘡者。稱其名怖之。其瘡輒愈。魏張遼。字文遠。與吳戰大勝之。吳人盡畏。

其威名吳中小兒啼者呼其名震之曰張遼來卽止

蟲音

漢書甘延壽投石拔距絕於等倫拔距者

人相把據地以爲堅能拔取之也 研國蓄丘所勇

士也過神淵飲馬馬沈所拔劍斬二蛟雷神隨而激

之訢與鬪眇其一目 唐鄭畋鎮鳳翔募勇士五百

每出陣號疾雷將 五代史梁朱瑾募壯士黥雙鴈

於頰號鴈子都 魏典韋手持雙戟各重八十斤

魏朱亥有勇士也秦圍邯鄲魏公子無忌矯魏王令

發兵救趙時兵符在晉鄙處鄙疑之亥袖四十斤鐵

惟惟殺晉鄙遂將兵救趙